



Sant'Antoni de su Fogu

Is acàpius cun is cultus antigus

Su fogu fogoni

In sa traditzioni sarda in is diis assoru de sa festa de Santu Antoni (precisu su noti intra de su 16 e su 17 de gennaxu) s'alluit in dònna bidda su fogu fogoni (Santu 'Idu e Bidd'e Putzi) o fogu faroni (Murera).

Est s'arrastu de unu ritu antigu paganu chi est stètiu suspiu e mudau dae sa cristianidadi. Su fogu figurat purificatzioni e annoadura, e prus precisu sa luxi chi est torrendi a pustis de sa stasoni scuriosa.

Su contu de Sant'Antoni

Su sincretismu religiosu at prodùsiu una transidura de sa figura de Promèteu in cussa de Sant'Antoni. Su contu narat ca in s'antigòriu s'òmini non teniat su fogu e biviat in su frius. Tandu Sant'Antoni furiat calau a s'Inferru impari a su porceddu suu e ingollendisiddi unu fusti de fèurra. Lòmpius a sa jenna de s'Inferru su santu benit firmau dae Lutziferru, su porceddu perou si fuit e arrennescit a imbucai...



Su contu de Sant'Antoni

Su porceddu cumentzat a fai stragu mannu in mesu a is dimònius e tandu Lutziferru est custrintu a lassai imbucai a Sant'Antoni po ndi pinnigai s'animali.

Su santu, tandu, nd'aprofetat po ndi furai su fogu cun su fusti de fèurra ca in foras s'annièddigat ma aintru abarrat allutu, e tandu nisciunu si nd'acatat de sa fura.

Pinnigau su porceddu torrat in sa Terra e spàrtzinat a totu s'Umanidadi su fogu furau dae s'Inferru.



Agiografia de Sant'Antoni

Ma cali est sa stòria bera de Sant'Antoni?
Antoni furiat nàsciu in Qumans (Egitu) in s'annu 251 in una famiglia de messajus cristianus. A bint'annus abarrat òrfunu impari a sa sorrixedda e cun totu sa sienda de amministrai. Est in cussa situatzioni chi sceddad de cumpriri is fueddus de s'Evangèliu "Si bolis essi perfetu, bai, bendi su chi tenis e donaddu a is pòburus". Tandu afidat sa sorrixedda a una comunidadi, lassat totu sa sienda a is pòburus e si pinnigat in su desertu.

Agiografia de Sant'Antoni

In su 285 movit a su monti Pispir. Ingui nci furiat una fortaleza romana e una mitza. Ddui abarrat a solu po 20 annus, in poburesa estrema e sèmpiri avalotau dae s'eremigu. Sa vida sua furiat unu grandu modellu de fidi e meda genti boliat istai assoru suu. Sant'Antoni divenit de aici su primu abatu de sa stòria cristiana.



Agiografia de Sant'Antoni

In su 311 andat a Alessàndria po sustenni is cristianus persighius dae Massiminu Daia (cesari d'Orienti). Torrada sa paxi Antoni iat agiudau s'amigu Atanàsiu in sa cumbata contras a s'eresia ariana. Is ùrtimus annus de sa vida sua ddus at bìvius a solu in su desertu de sa Tebàidi. S'est mortu su 17 de gennaxu de su 356 a s'edadi de 105 annus.



Amparu de Sant'Antoni

Sant'Antoni est invocau contras a s'herpes zoster, su chi naraus "fogu de Sant'Antoni".

Est finas protetori de carnatzeris, strexajus de fenu e de is animalis de domu, po cussu sa dii de sa festa si benedixint.

